

Sèvis nou yo

BCIL ofri sèvis esansyèl sant pou lavi endepandan yo

- Konsèy Kanmarad
- Fòmasyon Pwofesyonèl
- Enfòmasyon ak Referans
- Defann dwa moun
- Tranzisyon Andedan Kominote a

Sèvis endividyèl ak defans sistèmik BCIL yo adrese anpil domèn ki gen yon kokenn enpòtans pou moun ki gen andikap, gen nan sa lojman, swen sante, travay, transpò, teknoloji adaptatif, kominikasyon, lwa dwa sivil, ak edikasyon.

BCIL èdè moun ki gen andikap yo navige nan sèvis ak resous ki pral sipòte objektif moun yo. Gen ladan yo:

- Aprann osijè opsyon pou swen pèsònèl ak sipò lakay nan moman y ap planifye pou yo kite yon mezon swen, yon sant reyabilitasyon oswa yon lopital
- Jwenn lojman ki abòdab e ki gen yon aksè fasil
- Aprann kijan pou rive gen teknoloji asistans ak ekipman kominikasyon
- Planifye plan edikasyon timoun ou yo, espesyalman nan moman l ap apwoche gradyasyon lekòl segondè
- Jwenn ak dirije sèvis PCA
- Aprann osijè transpò ki gen aksè fasil
- Rive jwenn avantaj Sekirite Sosyal ak MassHealth
- Detèmine objektif pwofesyonèl, fòmasyon pwofesyonèl, oswa jwenn travay
- Konprann dwa sivil ou yo dapre ADA a oswa lwa Lojman Ekitab la
- Kijan pou mande yon aranjman rezonab
- Pwosedi apèl SSI/SSDI (ak reprezantan ki pa avoka)
- Konsèy osijè opsyon pou viv nan kominote a

Donasyon

BCIL konte sou donasyon endividi, kòporasyon ak fondasyon. BCIL se yon òganizasyon ki resevwa moun ki gen tout kalite andikap e li travay avèk kèlkeswa moun nan (kèlkeswa laj moun nan) yo idantifye kòm yon moun ki gen yon andikap. Nou pa fè moun peye pou sèvis nou yo.

Nou ranmase lajan atravè evènman espesyal tankou Seremoni Marie Feltn BCIL chak ane a, apèl anyel nou yo ak fre manm nou yo.

Opòtinite donasyon yo kòmanse nan donasyon pa testaman, donasyon stock, ak kado planifye rive sipòte evènman nou yo pandan ane a. Nou aksepte lajan kach, kat kredi, chèk ak pwomès (pledges). Tanpri kontakte Kowòdonatè Devlopman nou an pou diskite osijè fason ou kapab èdè nou kontinye fè yon diferans nan lavi moun ki gen andikap yo.



Boston Center for Independent Living

60 Temple Place, 5th Floor · Boston, MA 02111-1324
Telefòn Prensipal: 617-338-6665 · TTY: 617-338-6662
Pou Rele Gratis: 866-338-8085 · Faks: 617-338-6661

www.BostonCIL.org
Facebook: BostonCIL · Twitter: @BostonCIL


The Boston Center for Independent Living
gen rekonesans pou sipò:



BOSTON CENTER FOR INDEPENDENT LIVING



BCIL se yon òganizasyon ki pa la pou fè benefis 501(c)(3) k ap bay moun ki gen andikap yo sèvis depi 1974, lè li te vin tounen dezyèm sant pou lavi endepandans nan peyi a. Se moun ki gen andikap ki ap cheche yon entegrasyon konplè nan sosyete a ki te kreye li. BCIL akonpli objektif sa a lè li ran endepandan moun tout laj ki gen divès kalite andikap pandan li ba yo konpetans pratik ak konfyans nan tèt yo pou yo pran kontwòl lavi yo epi tounen manm aktif nan kominote yo ye a. An menm tan, BCIL angaje nan defans dwa moun ak òganizasyon kominotè pou li ankoorage akse ak chanjman andedan sosyete a.



Deklarasyon Misyon

Boston Center for Independent Living (Sant Nan Boston pou Lavi Endepedan) se yon òganizasyon dwa sivil ki kanpe devan nèt nan batay la. Moun k ap dirije l yo se moun ki gen andikap ki ap batay pou elimine diskriminasyon, izòlman ak segregasyon lè yo defan dwa andikap yo, enfòmasyon ak defann dwa moun, sipò kanmarad, fòmasyon pwofesyonèl, sèvis PCA, ak sèvis tranzisyonèl pou kapab amelyore endepandans andikape yo.

Fè Pwomosyon Endepandans
Moun ki gen Andikap

Defan Dwa Moun, Sèvis, Aksyon!

Sèvis Dirèk yo

Enfòmasyon ak Referans, Fòmasyon Pwofesyonèl, defans dwa Endividyèl ak Konsèy Kanmarad se poto mitan Sèvis Dirèk yo. Majorite anplwaye Sèvis Dirèk la nan BCIL, yo gen handicap atrave eksperyans yo, yon konsomatè kapab konprann lavi endepedan apati yon moun ki konnen kisa sa mande pou viv nan yon mond ki chaje ak baryè ak difikilte.



Espesyalis Enfòmasyon ak referans nou yo, jeneralman, yo se premye pwen kontak yon konsomatè avèk BCIL, pandan yo bay enfòmasyon sou pwoblèm andikap yo epi yo refere w bay moun ki apwopriye a nan BCIL, oswa bay lòt ajans, pou yo kapab èdè w.

Rann yon moun endependan vle di èdè endividi sa a pran kontwòl lavi li nan tout domèn, kèlkeswa kalte andikap moun nan genyen. Ekip nou an kapab èdè w devlope yon Plan Lavi endependan, ofri enfòmasyon enpòtan osijè dwa ki an rapò ak andikap yo epi èdè w aprann kanpe pou pwòp tèt ou.

Lavi ak Patisipasyon nan Kominote

Lè w endependan, sa pa vle di se poukont ou pou w fonksyone. Depatman Lavi nan Kominote ak Patisipasyon nou an kapab èdè w planifye kijan pou w viv nan anviwònman ou chwazi a, avèk sipò ou bezwen an pou okipe afè w selon sa w bezwen. Sa kap vle di dekouvri kijan pou demenaje kite yon mezon swen, evite yo mete w nan yon etablisman, oswa rive jwenn plis bagay posib nan plan swen sante w la, anplwaye BCIL yo kapab èdè w gen aksè a sèvis ki apwopriye yo, nan moman ki apwopriye a, nan kote ki apwopriye a.

Pwogram yo gen ladan yo: Aging and Disability Resource Consortium (ADRC) / No Wrong Door network (rezò Konsòsyòm Resous Vyeyisman ak Andikap la / Pa Gen Move Pòt), Options Counseling (Konsèy Opsyon yo), Nursing Home Transition (Tranzisyon Mezon Swen), ak OneCare Long Term Supports (Sipò Lon Tèm YonSwen yo) ak Services Coordination (Kowòdinasyon Sèvis yo).

Pwogram Lajenès BCIL yo

BCIL founi sèvis esansyèl nou yo pou jèn konsomatè (laj 14–22 zan) ki lekòl segondè toujou. Nou èdè elèv ki gen andikap yo pandan ane tranzisyon esansyèl sa a yo pou yo jwenn lojman, cheche travay, rezoud pwoblèm transpò, epi rive jwenn ekipman ki apwopriye. BCIL bay konsèy osijè Plan Edikasyon Endividyèl la (IEP) ak Plan Tranzisyon Endividyèl la (ITP). BCIL kondui tou Pwogram Estaj Tranzisyon li an (TIP), ki èdè elèv lekòl segondè yo jwenn eksperyans travay peye epi founi semènè konpetans relasyonèl sou tèm travay.



Defann dwa moun

BCIL kwè pi gran endependans pou moun ki gen andikap se yon pwoblèm kle jistis sosyal epi moun ki gen andikap yo dwe ini yo pou pale osijè pi gwo pwoblèm ki afekte lavi nou tankou aksè a lojman, swen sante ak transpò. Nou anplwaye òganizatè kominotè pou favorize angajman sivik lè yo devlope konpetans lidèchip ak defans dwa moun andedan kominote andikape a, epi lè yo travay avèk gwoup sa a pou defann chanjman nan politik ak pwogram ki afekte moun ki gen andikap yo.



BCIL souvan òganize evènman pou diskite ak priorize pwoblèm ki afekte kominote moun ki gen andikap yo. Rezilta a se kanpay popilè ki pi fò, pi gran ak pi efikas nan non moun ki gen andikap yo.

Siksè yo te enkli ladan yo:

- Amelyore aksè a MBTA a
- Pwoteje pwogram PCA a ak sipòte program swen sante abòdab
- Fè pwomosyon akse minisipal
- Ogmante lojman ki abòdab e ki gen aksè fasil
- Aksè a swen sante

Pwogram PCA

Sèvis Asistan Swen Pèsonèl yo (Personal Care Attendant / PCA), yo èdè moun ki gen andikap pèmanan oswa kwonik nan aktivite ki nesèsè nan lavi chak jou pou yo kapab viv lakay yo fason endependan. Atravè pwogram PCA nou an, BCIL sèvi plis pase 1,200 konsomatè k ap viv nan zòn Greater Boston nan (zòn Pi Gran nan Boston). Pwogram sa a sèvi moun tout laj, andikap ak orijin.

Se moun ki gen andikap la, konsomatè a, ki rekrute PCA yo, fòme yo epi sipèvize yo. PCA yo pa travay pou BCIL oswa kèlkeswa lòt ajans lan; yo travay pou konsomatè a. Antanke patwon, yon konsomatè chwazi ki moun pou li rekrute, li etabli yon orè pou PCA yo epi li fòme PCA yo pou yo satisfè pwòp bezwen pèsonèl li. Si konsomatè a pa kapab jere pwogram PCA li a yon fason endependan, konsomatè a kapab jwenn èd yon raplasan. Ramplasan a se souvan yon manm fanmi men li kapab yon lòt moun konsomatè a idantifye ki gen kapasite pou èdè li nan jere pwogram lan.

Pwogram PCA BCIL la rann posib ke anpil endividi ki gen andikap fè pati popilasyon aktif la, jere lavi chak jou yo, elve fanmi yo epi akonpli yon maksimòm endependans.

